

## 1. Uvod

Strategija razvoja Kantona 10 za period 2016-2020. godine je strateški dokument koji usmjerava razvoj, utvrđuje prioritete u razvoju i predstavlja putokaz za sveukupan razvoj Kantona, uzimajući u obzir sve njegove dimenzije: gospodarsku, društvenu, okolišnu i prostornu.

Strateško planiranje razvoja nalažu europske prakse strateškog planiranja, a kako bi se na taj način omogućilo korištenje sredstava iz predpristupnih fondova EU. Dokument se radi u skladu sa europskom praksom i dinamikom strateškog planiranja (period do 2020. godine).

Obveznost izrade strategije nalažu i nova zakonska rješenja u oblasti razvojnog planiranja u Federaciji BiH. U proceduri je usvajanje Zakona o strateškom planiranju i upravljanju razvojem u Federaciji BiH i izmjena Uredbe Vlade Federacije BiH koja regulira pitanja strateškog planiranja.

Predstavnicima rukovodstva Kantona 10 angažovali su se u procesu izrade Strategije razvoja vođeni uvjerenjem da strateško planiranje predstavlja ključni instrument za proaktivno i odgovorno upravljanje razvojem. Proces izrade Strategije, podržan od strane Kantonalne Skupštine, započet je potpisivanjem Memoranduma o razumijevanju između Premijera Kantonalne Vlade i Razvojnog programa Ujedinjenih nacija (UNDP) početkom 2014. godine, te formiranjem radnih tijela Kantonalnog/ županijskog odbora za razvoj (KOR/ ŽOR) i Partnerske grupe (PG) za razvoj.

## 2. Metodologija kreiranja Strategije razvoja

Strategija razvoja Kantona 10 za period 2016-2020. godina priprema se i radi prema Metodologiji za planiranje razvoja kantona u Federaciji Bosne i Hercegovine. Metodologija je pripremljena u sklopu Projekta integriranog lokalnog razvoja (ILDLP) i rezultat je opsežnih konsultacija, preporuka i zaključaka Radne grupe za harmonizaciju planiranja razvoja na nivou kantona u FBiH, sastavljene od predstavnika kantona, jedinica lokalne samouprave i federalnih ministarstava, uz koordinaciju Federalnog zavoda za programiranje razvoja. Metodologijom se vodi računa o usaglašenosti sa standardiziranom Metodologijom za integrirano planiranje lokalnog razvoja - MiPRO<sup>1</sup>, koja je preporučena za strateško planiranje razvoja lokalnih zajednica u BiH.

Proces je operativno vodio KOR, a u toku procesa stvoreni su mehanizmi za učešće šireg kruga socio-ekonomskih aktera, dominantno kroz rad Partnerske grupe – konsultativnog tijela kojeg čine predstavnici javnog, privatnog i nevladinog sektora. Poseban naglasak je stavljen na uključivanje i adekvatno prepoznavanje potreba potencijalno ranjivih kategorija stanovništva.

Vodeći principi na kojima se zasniva Kantonalna Strategija razvoja su održivost i socijalna uključenost. Održivost kao princip integrira ekonomski i aspekt životne sredine, dok princip socijalne uključenosti podrazumijeva jednake šanse za sve i pravičnost u smislu identificiranja potreba i interesa marginaliziranih i socijalno isključenih grupa građana. Nadalje, Strategiju karakterizira integriran

---

<sup>1</sup> MiPRO je naziv metodologije nastao od prvih slova (metodologija za integrirano planiranje razvoja općina), sa simboličnim značenjem: da smo mi, koji participativno planiramo na lokalnoj razini, proaktivni, dakle da oblikujemo svoju budućnost.

pristup razvoju (ekonomski, društveni i aspekt zaštite životne sredine posmatrani kao neodvojivi dijelovi jedne cjeline) i participacija (svi zainteresirani akteri su angažirani i doprinijeli su izradi Strategije).

Polazna tačka za izradu Strategije razvoja bila je analiza postojećih strateških dokumenata, nivoa njihove realizacije, te stepena razvijenosti ljudskih resursa neophodnih za izradu i implementaciju Strategije. Noseći i najvažniji dio Strategije predstavlja njen strateški dio, tj. strateška platforma, koja obuhvata socio-ekonomsku analizu, strateške fokuse, viziju razvoja i strateške ciljeve razvoja. KOR je, u suradnji sa sektorskim grupama i Partnerskom grupom za razvoj, izradio operativni plan za realizaciju Strategije sa nizom mjera i projekata za poboljšanje kvaliteta života u Kantonu. U završnom dijelu procesa, KOR je izradio finansijski okvir Strategije, koji je usklađen sa kantonalnim Proračunom. Okvirni operativni planovi su izrađeni za naredne tri godine. Prioritetni programi i projekti predstavljaju dobru osnovu za korištenje domaćih izvora sredstava i pristup eksternim fondovima, poput IPA programa Europske unije i drugih programa potpore u BiH.

Strategija razvoja predstavlja putokaz za razvoj Kantona 10, koji obuhvata ekonomski, društveni i plan zaštite i unaprjeđenja životne sredine, uz poštivanje prostornog aspekta. Pri izradi Strategije posebno se vodilo računa o ostvarivanju horizontalne intersektorske usklađenosti, te vertikalne usklađenosti Strategije sa strategijama i planovima na drugim nivoima. Dodatan značaj poklonjen je mogućim inicijativama međuopćinske i međukantonalne suradnje.

